



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vitae Sanctorvm**

complectens sanctos Mensium, Aprilis, Maii & Ivnii

**Lippeloo, Zacharias**

**Coloniae Agrippinæ, 1603**

Martyrivi S. Maximi, Qvi Primus passus est Ephesi, Asiæ ciuitate, circa annum Christi Domini 254, sub Decio Imp. teste C. Baronio tom. 2. Anna. Ex actis, vt videtur, publicis, quæ proconsularia ...

**urn:nbn:de:hbz:466:1-42716**

visio de cla  
de Romani  
exercitus.

fuso sanguine percepisse.

Nam clades per visum ostensas, & à Mariano generatim expressas, si auctor superuixisset, eas iam contigisse vidisset, ac proinde quid portendisset illa candidatorum acies equitum, visa & audita à sanctis martyribus, facile expressisset. Nempè immensam illam cladem, quæ hoc ipso anno, non post multum temporis à nece martirum est subsecuta; cum Roma. exercitus à Peris est profligatus, cum & miserando modo, ac plene infelicissimo (quod numquam antea accidit nec per multa post secula euenisse reperitur) Valerianus Imperator, captiuus ductus est à Peris, vile mancipium factus. Item ciuiles illas ingratas vndiq; turbas; triginta tyrannos, tam immaniter, tamque ferociter diuersis in locis ex improviso sub Gallieni Imperio emergentes, atq; Rempubl. pessumdantes; Barbarorum irruptiones, terræ motus, hiatus, terræ, maris effusionem, pestilentiam, aliosque infeliciss. casus, qui sequenti anno Romanum Imperium dirissime exagitare cœperunt.

MARTYRIVM S. MAXIMI, QVI PAVLVS  
passus est Ephesi, Asia ciuitate, circa annum  
Christi Domini 254, sub Decio Imp. teste C. Baro-  
ronio tom. 2. Anna. Ex actis, vt videtur, publicis,  
qua proconsularia dicebantur, desumptum.

30. Aprilis.

Decreta De-  
cij Impera-  
toris.

DECIVS Imperator, volens profligare Chri-  
stianorum legem, promulgatis per orbem  
vniuersum decretis, statuit vt Christiani  
oës, relicto Deo viuo & vero, demonijs sacrificare-  
rent: qui verò id recusarent suppliciorum atrocitate  
necarètur. Quo tempore Maximus, homo quidè  
plebeius, sed eximia pietate præditus, palam se  
Christi

Christianū confessus, Optimo Proconsuli apud  
Asiā oblatuſ est. Et quidem Proconsuli de nomi-  
ne & conditione eius interrogāti, martyr respō-  
dit: Maximo mihi nomen est, cōditione quidem  
ingenuus, sed seruus Christi Iesu, etsi peccator.

Tunc Proconsul: Nostine, inquit, inuidiosissimorū  
principum decreta, quæ Christianis omnibus, re-  
lictā superstitione, deorū cultū præscribunt, &  
verū principē, cui omnia subiacent, cognoscere  
iubent? Cui Maximus: Iniquā huius principis sen-  
tentia cognoui, ideoque me palam ostendi. Ego autē  
non sacrifico, nisi soli Deo, cui me ab ineunte æ-  
tate sacrificasse gratulor. Cui rursus Proconsul:  
Sacrifica, inquit, ne te varijs affectum tormentis,  
extremo supplicio subiicere cogar. Et Maximus:  
Hoc est, inquit, quod semper in votis habui, ut  
huius corporalis ergastuli vinculis solutus, ad  
sempiternā vitā migrare valeā. Tunc Proconsul  
fustibus eū cædi iubens, inter cædendū dixit: Eri-  
pe te, o Maxime, maturo sacrificio ab his suppli-  
cijs. At martyr in cōsideratione suppliciorum  
suorum exultans: Ego, inquit, hæc quæ pro no-  
mine Domini nostri Iesu Christi patior, nullo  
modo tormenta reputo, sed tum demum in vera  
& sempiterna tormenta incidam, si fluxæ huius  
ac peritura vitæ amore perfidē à Christi confes-  
sione defecero. Tunc Proconsul in eculeo eum  
suspensum torqueri iussit, dicens: Iam tandem a-  
gnita stulticia tua sacrificā, ut vitam, mortis sup-  
plicio penē circumuentā, lucreris. At Maximus:  
Lucrabor planē, inquit, vitā si non sacrificauero.  
Mihī verò fustes, nec vngulæ, nec ignes tui vllū  
dolorem adferunt, quia in me manet gratia  
Christi. Tunc Proconsul lata sententia lapi-  
dibus eum obruendum tradidit. Raptus est cōse-  
stus

Maximus  
Consuli ob-  
latus, præ-  
clare respō-  
det.

412 VITA & MARTYR. S. PHILIPPI  
stim à ministris diaboli athleta Christi gratia  
sine fine Deo agens, quòd eum tanta gloria di-  
gnum faceret, & triumphū de diabolo, cui nul-  
la in terris potestas comparari potest, adeò glo-  
riosum concederet. Perductus igitur extra muros  
martyr, lapidibus cæsus beatam animā Chris-  
to tradidit: cui est honor & gloria in secula se-  
culorum. Amen.

Lapidibus  
obruitur S.  
Martyr.

## M A I V S.

C. Baron. to.  
1. Annal.

VITA & MARTYRIVM S. APOSTOLI  
Philippi, quo coronatus est anno Christi 54. Clas-  
sij verò Imp. 12. apud Hierapolim Asia ciuitas.  
Ex Breuiario Romano & ijs que sunt apud Me-  
taphrasten.

1. Maij.

Patria eius.



HILIPPVS Christi Iesu Aposto-  
lus, Bethsaida ciuitate Galilæe ori-  
undus, cum à parentibus in omni  
laudabili disciplina optime esset  
institutus, libros perlegit Moïsaicos,  
& quæcunque fuerant prædicta de Christo my-  
steria, alta mente recondidit. Postquam verò  
Christus Dominus in Galilæam venisset, ac hunc  
magnum inuenisset Philippum, eum se sequi  
iussit. Qui protinùs diuino splendore mirifice  
illustratus, veræ salutis authorem agnouit, cu-  
ius aduentum in terris Prophetarum omnium  
vocibus promissum iam antè legerat, eumque  
securus est itaque Christo tota mente & corpore  
adhærens, tanta ex eius consuetudine ac stuper-  
dis rerum factis admiratione, cum eximia volun-  
tate coniuncta affectus est, vt alios similiter  
primæ

Philippus  
vocatur à  
Christo.